

國朝詞綜續編

冊三

國朝詞綜續編卷十三

吳縣

潘介繁

襄校

仁和

徐慶銓

編次

海鹽

黃燮清

編纂

平湖

張炳堃

增訂

錢塘

諸可寶

校勘

永康

胡鳳丹

監刊

項鴻祚六十四首

黃

曾二十一首

項鴻祚

原名繼章字蓮生錢塘人道光十二年舉

人有憶雲詞四卷

吳仲雲杭郡詩續輯云蓮生喜填詞尤工

小令每自度一闋卽付姪入歌之其風流

自賞如此嘗語人曰余詞可與時賢角詩

不足存家不戒於火乃奉母北行中途又

遇水厄母與姪俱歿號躄旋里幽憂之疾

益深而詞益工既領鄉薦再上春官不第

歸卽病不起自訂甲乙丙丁藁黃韻甫

曰憶雲詞古豔哀怨如不勝情猿啼斷腸

鵲淚成血不知其所以然也懷才抑鬱以

一第終悲哉惜哉

點絳脣

秋意

夢怯秋清小屏題徧相思句露濃如雨不響梧桐樹
采藥闌空是舊吹笙處愁凝佇暗蛩無語涼月隨
人去

河傳 秋雨

秋雨千縷灑方塘欹枕西堂夜長梧桐葉兒風打窗
新涼薄衾閒半床愁裏畫屏天樣遠銀燭短夢也
無人管怕相思越相思除非影兒權作伊

臨江仙

有限春宵無限夢夢回依舊難留淚珠長傍枕函流
書來三月尾燈盡五更頭見說而今容易病日高
還掩妝樓桃花臉薄不禁羞瘦應如我瘦愁莫向人
愁

瑞鶴仙 擬夢窗

漏瓊侵鈿琯正依依夢別小坊幽院熏衣練香軟掩
金蟬組帳蜜燈慵翦翠樽自暖未相思愁腸寸斷恨
燕翎不寄雲箋十二碧城天遠蔥蒨宵雨兩心髻鳳
眼橫釵賦情難遣烏絲淚滿詩寫在舊團扇算啼鵲
枝上烘愁淡月曾識秋孌半面看今螺睡處憑欄是
誰病慣

戀繡衾 擬草窗

漏殘酒醒燈半昏
被池寒檀篆自熏想月轉牆西角
悄無人愁過夜分
揉藍帕子餘香在怕如今添了
淚痕夢不到梨花院任東風吹作碎雲

南浦詠柳

春水漲溪渾是濛濛
昨夜楊花吹徧走馬問章臺長
隄外和雨和烟一片纖腰自舞料應未識相思怨可
惜笑桃人別後孤負年年青眼
怪他眠起無端好
光陰都付小鶯雛燕不向陌頭看爭知我盡日魂銷
腸斷絲絲縷縷幾時繫得東風轉且去西泠橋畔等
萬一艤船重見

水龍吟 秋聲

西風已是難聽如何又著芭蕉雨
泠泠暗起淅淅漸
緊蕭蕭忽住候館疎疎碁高城斷鼓和成淒楚想亭皋
木落洞庭波遠渾不見愁來處
此際頻驚倦旅夜
初長歸程夢阻砌苔自歎邊鴻自唳翦燈誰語莫便
傷心可憐秋到無聲更苦滿寒江賸有黃蘆萬頃捲
離魂去

綺羅香 和碧珊

借病瞢愁拚閒作夢單枕又驚春半小揭珠簾隱隱
似聞微嘆羅羅怕重灑淚成鵲錦箋長寄書尋雁莫因

循誤了芳華柔腸能得幾回斷 題紅前事謾省空
任香銷粉蠹舞衫歌扇除却榴裙瘦盡楚腰誰見防
夜約拜月推寒厭晨妝踏青嫌遠最無情最是飛花
曉風吹不轉

浣溪沙 雜憶

曾向西池采玉游可人天氣近中秋半年前事到心
頭 今夜夢魂何處去一重簾幙一重愁重重遮斷
舊妝樓

卜算子 贈藕卿

花落小樓寒客散重門靜明月隨人出畫廊曲曲闌
干影 淺醉幾曾忺薄睡更番醒也似相思也似愁
人比秋風冷

減字木蘭花 春夜聞隔牆歌吹聲

闌珊心緒醉倚綠琴相伴住一枕新愁殘夜花香月
滿樓 繁笙脆管吹得錦屏春夢遠只有垂楊不放
秋千影過牆

湘月 壬午九月避喧於南山之甘露院就泉分

茗移枕看山相羊波旬塵念都淨出院不
百步越小嶺卽虎跑也嘗月夜獨遊清寒
特甚賦念奴嬌鬲指聲一闋紀之

繩河一雁帶微雲。澹月吹墮秋影。風約疎鐘似喚我同醉。寺橋烟景黃葉聲多。紅塵夢斷。中有檀欒徑。空明積水。詩愁浩蕩。千頃乘興欲叩禪關。殘螢幾點。颭寒星不定。清夜湖山。肯付與詞客。閒來消領跨鶴天。高盟鷗緣淺。心事蒲塘冷。溯風狂嘯滿林。宿鳥都醒。

菩薩蠻

鯉魚風起芙蓉老。金鵝屏展缸花笑。稍覺舊衣單。玉人心裏寒。瀟湘天一尺。蹙破眉峯碧。箏雁不能飛。悔將情訴伊。

浣溪沙

秋夜夢偕數客過趙氏小山堂分韻賦落葉詞余得斜陽一樹待雅歸之句一座擊節主人淒然泣下醒而忘其全因足成之

淺幘涼樽事已非。西風催換薜蘿衣。小山堂下舊人稀。秋水滿塘隨鷺宿。斜陽一樹待雅歸。再來唯有夢依依。

高陽臺 弔舊曲

麝帶愁香。犀帷夢玉。金猊暖壓氍毹。病怯朝眠。涼雲吹度。平湖畫橋烟鎖。分攜路正。馬嘶殘雨。荒蕪更銷。

疑鶯老花稀雁到書無
離情不恨吹橫笛恨琴邊
枕瘦酒後燈孤側帽垂鞭
臨風可奈清臞綠楊天半
紅泥閣數舊人惟有箏奴
待重遊怕聽鉤闌弔月啼
蛄

燭影搖紅元夕臥病不出

疊鼓收寒試燈風小珠簾捲玉梅消瘦倚窗枝蟾月
窺人淺十里銀笙鈿管簇行雲銅街繡輦不如休去
花影重門繁星一院誰念何郎宿醒未解吟詩倦
枕屏清淚濺瀟湘相蜜炬香心短閒裏華年自換漏沈
沈天長信遠春眠困頓猶夢婆娑舞蔥歌蒨

清平樂池上納涼

水天清話院靜人消夏蠟炬風搖簾不下竹影半牆
如畫醉來扶上桃笙熟羅扇子涼輕一霎荷塘過
雨明朝便是秋聲

摸魚子殘春湖上薄遊

正鴛機花明晝錦雨絲織到愁處杏鈿狼藉青蕪國
前度鳳鉤香汚湖上路問孤負良辰美景誰院宇殘
簫倦鼓賸占岸輕橈垂簾小榭烟柳短橋暮空羸
得綵壁留題秀句淒涼醉玉風度舊時繫馬門前樹
一片綠陰吹霧聽燕語漫說道薔薇後約今在否銀

箏自譜儘付與紅兒酒邊緩唱忍淚看春去

蘭陵王春晚

嫩陰薄人在酴醾院落鞦韆罷還倚瑣窗花雨和烟
潤銀索近來情緒惡遮莫青春過卻單衣減沈水自
熏酒病經年忍孤酌低低燕穿幕任箋綠綃紅心
事難託柳絲繫夢輕漂泊歎衾鳳差展鏡鸞空掩思
量睡也恁睡著恨依舊寂寞妝閣閉魚鑰怕唱到
陽關簫譜慵學夜占蛛喜朝靈鵲祇目斷千里錦帆
天角玲瓏簾月照見我又瘦削

高陽臺詠馬湘蘭研背有雙眼并王百谷小篆

星星二字馬自銘云百谷之品天生妙
質伊以惠我長居蘭室

豔曲題裙明鄭之文作白練裙院本演百穀湘蘭故
事清聲碎玉湘蘭埋鬢墜一寶釵徐語侍兒曰久不
聞碎玉聲矣消磨何限歡場俠骨飄零當時留贈蕭
孃雲腴鑲得如人膩掃輕煤淡寫瀟湘好收藏小字
星星舊署王昌銀鉤慣寄相思札問頭陀知否百
谷有小印曰王頭陀宿願應償淚眼盈盈紅絲不繫
柔腸可憐片石經塵劫數秣陵遺事蒼涼最難忘烟
月妝樓孔雀庵旁湘蘭故居在金陵孔雀庵側

浣溪沙

青粉牆低柳倚門，疎簾斜日燕尋人。最難消遣是深春。閒凭繡床思夢笑，怕繡簫譜見啼痕。櫻桃花下又黃昏。

菩薩蠻

春靜

春寒不度垂楊樹，風幰澹澹吹香絮。霏雨午天晴，隔花聞笑聲。嫩篁微解箨，鏡檻新陰薄。斷續水沈烟，燕窺人晝眠。

又彈琵琶

檀槽細響龍香撥，玉纖攏袖雙條脫。深院落花天，鶯啼楊柳烟。驟如風雨歇，萬里關山月。眉黛一痕愁，湘雲入鬢流。

虞美人

歸自越中

畫船打槳催將去，愁聽烏篷雨。越王臺上夢迢迢，人在亂鶯聲裏過花朝。歸來重見東風面，楊柳青如線。碧桃還有幾分留，爲我一春湖上不曾游。

百字令

將遊鴛湖作此留別

啼鶯催去便輕帆，東下居然游子。我似春風無管束，何必揚舲千里。官柳初垂，野棠未落，纔近清明耳。歸期自問也，應芍藥開矣。且去范蠡橋邊，試盟鷗鷺。

領略江湖味須信西泠難夢到相隔幾重烟水翦燭
窗前吹簫樓上明日思量起津亭回望夕陽紅在船
尾

木蘭花慢 夜過吳江

艣聲搖淡月正人在洞庭船望笠澤茫茫長隄暗柳
曾住詞仙當年俊游記否喚銀簫吹綠一江烟靨我
詩愁萬頃片帆直上壺天 流連玉界瓊田清露下
水紋圓怕酒醒波遠醉魂空戀第四橋邊淒然五湖
舊約歎鱸鄉信美尚無緣風外魚燈幾點夜深涼照
鷗眠

浣溪沙 紅橋步行波詞韻

水近雷塘緩緩流綠楊風軟不知秋教人無賴是揚
州 畫舫載來歌舞夢玉簫吹破古今愁舊時明月
照迷樓

三犯渡江雲 余今年正月客山陰三月客禾中

四月七月一再至吳門遂北渡揚
子遊金焦兩山留維揚六日竭來
故山悅焉如夢塵衣未浣又爲豫
章之行登舟惘惘扣舷而歌彌覺
旅懷之淒黯矣

斷潮流月去舵樓碎語侵曉挂帆初一行沙上雁又被西風吹影落江湖紅牆漸遠拂征衣自歎清臞最淒涼疎萍賸梗飄泊意何如愁余黃花舊徑修竹吾廬是離魂來處料此後詩邊酒冷夢裏燈孤停船莫近投書浦况路長容易無書歸便早今年總負鱸魚

一萼紅瑞洪雨夜有懷

旅魂驚正黿鼉催浪彭蠡暗潮生隔浦疎林淞江敗葦蕭颯齊作秋聲壓篷背頽雲似墨灑一天涼雨雁縱橫戍角初吹村砧漸遠漁火還明何事流連吳楚歎銷磨多少風月淒清倦枕支愁寒衾貯夢客路到處傷情想今夜孤舟漂泊更有人樓上數殘更應是玉釵敲斷難問歸程

八聲甘州重陽遊百花洲

更不須攜酒看黃花淒涼勝遊稀但蘇翁園外藏鴉細柳相對依依回憶西湖舊夢秋水浸漁磯今日登臨地風景都非自折茱萸簪帽數沈腰瘦減淚滿萊衣况天涯兄弟不似雁同飛誤江樓玉人凝竚盼歸舟我尚未能歸休悵望有闌干處總是斜暉

壺中天灌嬰城

滎陽屯後擁犀渠十萬販繒人也今日黃城餘舊壘
風雨捲旗飄瓦垓下追兵頽陰封爵功亦韓彭亞將
軍已矣廢祠誰奠杯斚憶昔此地連營臨江百雉
戰鼓寒潮打回首斷烟衰草外空有荒池洗馬入粵
弓刀平吳歲月且聽漁樵話女牆猶在亂烏啼破秋
夜

又梅仙祠

市門再見似千年元鶴暫來華表一尉居然稱吏隱
從古神仙宮小丹井泉深石幢苔冷絕壁銜殘照山
中匣劍夜寒猶自孤嘯歎息狐鼠縱橫論奸抗疏
心豈無廊廟玉馬銅駝驚轉眼愁望五陵烟草嶺上
吹笙雲間飛鳥攜手成同調最憐佳壻羊裘六月垂
釣

又鐵柱宮

神州聖鐵鑄東南底柱地維穿破井沸生瀾通海氣
中有老蛟愁臥入索鉤連孤根撐拄不許狂濤簸霓
旌羽節至今靈廟猶妥我欲試探重溟螭文手拓
咫尺風雷墮斗劍星紅蟠殿壁十二洪鑪賸火挂屬
遺楓遊帷舊觀歷劫難摧挫五丁驚詫浮州萬古長
鎖

又寫韻軒

衍波玉潤寫銀鉤葉葉點商分羽修到神仙貧亦好
寄食幸逢鄒舉畫閣籠煙湘簾映水一硯瀛洲雨烏
絲墨妙只今流落如許當日鏡檻書床朝朝暮暮
便是瑤臺侶甲帳繡襦甘小謫何況世間兒女紫極
人歸青林虎嘯遺蹟城南路夜涼應有珮環月下來
去

又蘇翁圃

身將隱矣謝故人無恙灌園差樂世事原非吾輩了
且向南州樓託半畝斜陽一鋤野水別自成邱壑柴
門土鏗著書應是僅約謾教車騎重來請從此逝
高舉隨黃鶴老圃空依徐穉宅誰薦秋風葵藿萬柳
隄荒百花洲冷烟月長蕭索舊盟鷗鷺偶然飛下寥
廓

清平樂元夜作

畫樓吹角酒醒燈花落梅未開殘風又惡今日元宵
過卻更更更鼓淒涼翠綃彈淚千行併作一江春
水幾時流到錢唐

菩薩蠻偶成小令

草薰風暖天涯路清明寒食青春度何處驟驕驄玉

樓人夢中 一窗花弄影半被餘香冷不是倦思眠
起來依舊閒

齊天樂

南湖徐氏水樓在慧雲寺側倪米樓顏

曰花隱宋芝山爲之作圖一時朋簪遊
燕酬唱最多纔十餘年事耳近日湖山
詞客強半凋謝惟西齋李子猶記鴻雪
舊痕值汪又村出示此圖相與展卷留
連劇談往事前塵隱約率爾繼聲玉筍
埋雲醉魂未醒深有愴於予懷也

碧雲低蘸紅樓影如今倚樓人遠賣酒鑪空題詩壁
壞零落粉奩香枕緣深夢淺恨彈指西風候蛩悽斷
莫問南湖一袈裟地更誰管 當時何限俊侶算填
詞李十能遡懽懽巷口斜陽灣頭賸水記與徐孺初
見重開畫卷認幾曲疎簾那回曾捲柳已無多曉雅
啼到晚

玉蝴蝶 玉蝶梅

錯認滕王賸藁禁寒寒翅軟膩粉輕勻幾筆疎枝冷蕊
細寫春痕翠尊空吹殘鈿筓金屋遠化盡羅裙揜重
門游蜂未覺倦舞黃昏 前身玉腰小隊偷將絮雪
綰住梨雲莫便驚飛草堂猶有寄詩人香淡薄可憐

是夢影迷離何處招魂且溫存綠陰青子難翦愁根

生查子

堂前綠玉卮門外青絲甃妾淚幾時晴郎去何曾送
鳳 小爾續輕寒淺醉聯殘夢睡損髻心螺敲折釵頭

八聲甘州

黃葉樓賦夕陽

界斜紅颺出晚晴天相看轉悽然甚怱怱只是橫催
雁陣低照鷗眠樹外山眉襯黛遠道草芊芊一段蒼
茫意都付樊川 漢闕秦宮何處送幾聲畫角吹老
華年儘歡遊長好到此黯流連倚江樓玉人凝望帶
西風帆影落窗前愁無限近黃昏也新月籠煙

燭影搖紅

庚寅秋感

風葉堆廊露落凝砌秋涼早不關情處猛相思曾印
雙鴛小彈指懽悰似掃翠幰空房櫳靜窈窕鞦韆影裏
一徑蘼蕪蟻蛄啼老 休展金奩淚痕猶沁新詩稿
曲屏低枕臥湘烟紅破燈花笑錦瑟華年過了醉還
醒愁多夢少斷魂尋去只有銀蟾夜深偷照

浪淘沙

養病睡石山莊

池面綠生渦雨打殘荷茶烟風細漾簾波枕簟新涼
人淺醉無奈秋何 嬾去聽笙歌心事消磨芭蕉聲

到睡時多執扇紗幮休憶著只夢漁蓑

臺城路詠螢

暝烟寒飈秋星碧低低傍簾穿戶露洗還明風吹不滅團扇輕教黏住迷藏院宇正蟾月窺人又無尋處畫燭銀屏墜懽空有碎蛩訴清宵漏長夢阻悄驚梧葉下涼影飛度瘦竹虛廊枯蘭斷豔曾照離魂歸去相思更苦任塵黯書燈練囊誰貯解認前生草根棲暗雨

浣溪沙

風蹴飛花上繡茵柳絲無力絆殘春今年時節去年人蟬錦暗銷雙枕淚雁絃愁鎖一箏塵不思前事亦傷神

點絳脣夜坐

小院秋清後堂卻下歲蕤鎖玉簪斜亸老桂餘香墮總是無眠攬得終宵坐風吹過一星螢火來照淒涼我

玉漏遲冬夜聞南鄰笙歌達曙

病多懽意淺空篝素被伴人悽惋巷曲誰家徹夜錦堂高燕一片翳觥月冷料燈影衣香烘暖嫌漏短漏長卻在者邊庭院沈郎瘦已經年更嬾拂冰絲賦

情難遣總是無眠聽到笛簫簫倦咫尺銀屏笑語早
檐角驚烏啼亂殘夢遠聲聲曉鐘敲斷

壺中天琴心閣書感

螺屏翠疊幾重山淺畫憶他眉嫵柳外斜陽花上月
都是西風吹去簾軸雙鉤鏡奩單鎖鈔牋閒情賦瘦
琴支枕臥簫誰理塵譜天際望杳鱗雲錦書不寄
涼雁鳴烟艣我未離家心似客愁在無人知處病怯
燈明困消茶蘼灰冷芙蓉炷黃昏又聽竹梢彈碎秋
雨

秦樓月十二月十五夜舟過石門作是日立春

淒涼夕片時春夢來無跡來無跡醒時難說睡時難
覓艣枝搖碎湖天碧月圓偏照孤舟客孤舟客玉
梅窗底有人相憶

阮郎歸吳門寄家書

闔閭城下漏聲殘別愁千萬端蜀箋書字報平安燭
花和淚彈無一語只加餐病時須自寬早梅庭院
夜深寒月中休倚闌

清平樂

客中心緒只怕流年去纔見河橋飛柳絮又是榴花
端午醉眠休恨啼雅伴人明月窗紗歸夢不如不